


三禮纂注

六下



周禮

| | | | |
|-----|---|---|---|
| 漢書門 | | | |
| 四 | 六 | 二 | 三 |
| 冊 | 架 | 函 | 號 |

| | | | |
|------|---|---|---|
| 內閣文庫 | | | |
| 三 | 八 | 一 | 漢 |
| 冊 | 冊 | 冊 | 書 |
| 架 | 冊 | 號 | 類 |

| | | | |
|------|----------|------|--|
| 內閣文庫 | | | |
| 番號 | 漢 | 8312 | |
| 冊數 | 40 (8) | | |
| 函號 | 274 | 68 | |



人徒二十人

淺草文庫

屋中之空地買人所居之屋其職掌歛市之
紋布總布并五種之泉入于泉府故與司市
連類在此


泉府生士四人下士十有六人府四

人史八人賈八人徒八十人籛司農云
泉或作錢

其職云掌以市之征布
故與司市連類在此

門下大夫二人上士四人中士八人下士十

有六人府二人史四人胥四人徒四十人每門



下士二人府一人史二人徒四人

鄭氏曰司門若今城門校尉主王城十二門
賈氏曰每門下士二人據在門開閉者此司
門若今城門校尉則是都司總監十二門官
故舉漢法况之匠人云營國九里旁三門四
面各三門是有十二門十二門以通十二子
十二子則十二辰也
愚按其職正其貨賄犯禁者舉之亦與司市
相類

司關上士二人中士四人府二人史四人胥八
人徒八十人每關下士二人府一人史二人徒
四人

鄭氏曰關界上之門賈氏曰王畿千里王城
在中面有五百里界首面置三關則亦十二
關司關亦是總檢校十二關所司在國內下
云每關下士二人者自在關門開閉按其職
掌國貨之節以連關
市亦與司市等相類

右掌市廛門關凡六官四胥

出廛每大山中士四人下士八人府二人史四
人胥八人徒八十人中山下士六人史二人胥
六人徒六十人小山下士二人史一人徒二十
人

此官虞度以知山之大小及所生之物凡職
掌山林之政令物爲之厲而爲之守禁亦土
地事也
故在此

林衡每大林麓下士十有二人史四人胥十有
二人徒百有二十人中林麓如中山之虞小林

麓如小山之虞

此官主平麓之大小及所生之物平地曰
山是曰麓賈氏曰大林麓十有二人者按上
山虞中士四人下士八人相侷亦十二人但
下上自爲官首胥徒委於山虞蓋林麓在平
地盜竊林木委故須巡行者衆也中林麓如

中山之虞小林麓如小山之虞胥徒不委者
中小已下自如尋常也

川衡每大川下士十有二人史四人胥十有二
人徒百有二十人中川下士六人史二人胥六
人徒六十人小川下士二人史一人徒二十人

禹貢曰九川滌源川衡平知川之遠近寬狹
及物之所出官及胥徒委者以用路長遠巡
行勞役故也中川小
川自如常法故差少

澤虞每大澤大藪中士四人下士八人府二人
史四人胥八人徒八十人中澤中藪如中川之

三禮集言 卷之六 三百〇四

衡小澤小藪如小川之衡

水所鍾曰澤水希曰藪禹貢曰九澤既陂爾雅有八藪用中士尊於川衡者澤之所出物泉交胥徒少者巡行處近故也藪澤元一物以其有水則為澤無水則為藪

迹人中士四人下士八人史二人徒四十人

掌知禽獸處掌邦用之地

圉人中士四人下士八人府二人胥八人徒八十人

圉苑也掌圉游之獸禁

獸人中士二人下士四人府二人史四人胥三

十人徒三百人

其職掌漁者之政令征入于王府非特為飲食其而已徒之妻者取魚處妻欲有以備之也

鼈人下士四人府二人史二人徒十有六人

掌取互物固川澤中事也

按二官吳氏皆以屬天官今考其職與山虞澤事相近故列于此

職金上士二人下士四人府二人史四人胥八

人徒八十人

三禮集言

卷之六

三百〇四

愚按舊以其掌受士之金罰貨故係于此夫周官所掌財用其職不同在內曰王府曰內府以至職內職歲職幣太府皆掌其入而出之也至於徵財而輸之則各在外官如非人角人羽人有征也司市司關有稅也皆有司進之於內府耳然則職金亦在外征財之職而納之諸府者與非人等無異也內府云凡四方之金玉入焉王府云掌王之金玉之藏金職金則曰入其金玉錫石丹青于受藏之府則是與內玉諸府道矣若夫為兵器之府則又非兵器之府也蓋有兵器之府又有為兵器之府王府云掌兵器內府云掌兵器此兵器之府也今曰入其金錫于為兵器之府又曰入其丹青金玉于受藏之府是乃為兵器之府非兵器之府也攷工記曰攻金玉之工築治鳧臬阪挑是也所謂為兵器之府者

也抑嘗言之職金一官與天地夏冬諸官並通為聯事其曰守藏之府是與天官通也入其金于司兵是與夏官通也入其金錫于為兵器之府是冬官之職也載觀禹貢揚州厥貢惟金三品荊州厥貢惟金三品礪砥磬丹梁州厥貢璆鐵銀鏐磬雍州厥貢球琳琅玕其入征者蓋禹貢之言諸侯之所貢也職金之掌則取於有地者之征也上以政取謂之征下以職供謂之貢則征與貢異也此官實受天下地產金玉而以當邦賦者而入之內府等府也蓋與澤虞外人羽人等職不異但以其職金故凡秋官之罰金因亦入之俾其總輸於內府焉蓋以類附非專掌罰金也彼罰金有幾所以不得專設亦如泉府之類耳吳氏知冬官之主地征事而不知職金之掌

地征仍廉之秋官可謂擇焉而不精矣下九

小人中士二人下士四人府二人史二人胥四

人徒四十人州音礦

州之言礦也金玉未成器曰礦金玉寺出于地故宜在此

角人下士二人府一人徒一人

掌以時徵齒角凡骨物於山澤之農

羽人下士二人府一人徒八人

徵羽翹于山澤

掌皮下士四人府二人史四人徒四十人

掌歛皮革以頒之工人者其在此無疑舊在天官非是

掌葛下士二人府一人史一人胥二人徒二十

人

徵絺綌之材于山農

掌染草下士二人府一人史二人徒八人

鄭氏曰染草藍舊象斗之屬

掌炭下士二人史二人徒二十人

炭物亦
出山澤

掌茶下士二人府一人史一人徒二十人

茶茅莠茶莠疏
材亦出于山

掌蚕下士二人府一人史一人徒八人

蚕大蛤掌歛互物蚕物以
共闡壙之蚕亦出山澤

場人每場下士二人府一人史一人徒二十人

場築地為蟬季秋除圃中為之每場者以九
穀別場也春夏為圃以種蔬菜至季秋築場
十月納禾稼亦地
之用故在此

右掌山澤藪牧十六職

草人下士四人史二人徒十有二人

草除草其職掌土化之法以物地扣其宜而
為之種九糞種辟剛用牛芾皆土地之事故
在此按其職惟有糞種之文無芟草之事乃
云除草者蓋糞種必刈草而後種之也

稻人上士二人中士四人下士八人府二人史

四人胥十人徒百人

掌稼下地是土地之事胥徒
妻者并遣營種稻田也

司稼下士八人史四人徒四十人

鄭氏曰藏米曰廩廩人舍人倉人司祿官之
長賈氏曰此官使下大夫為官首而徒三百
人君者以廩事重出納又君故也舍人以下
同掌米穀之事皆以士為之故以下大夫為長
舍人上士二人中士四人府二人史四人胥四
人徒四十人

其職云掌平宮中之政分其財守以法掌其
出入謂平宮中米穀多少故連類在此

倉人中士四人下士八人府二人史四人胥四
人徒四十人

亦主廩
谷事

右掌稼穡倉廩之事凡九職

典婦功中士二人下士四人府二人史四人工
四人賈四人徒二十人

主婦人絲枲功官之長以下三官悉用士人
亦人主奢儉所係國家利害所關故也用賈
者以絲枲有善
惡貴賤也

典絲下士二人府二人史二人賈四人徒十有
二人

典枲下士二人府二人史二人徒二十人

三禮考言
采麻也辨絲枲頒于外內工此三職雖掌婦功實不得考宮內之功特司國中嬪婦耳內宰則掌內人也舊在天官今移之

染人下士二人府二人史二人徒二十人

掌染絲枲者自天官移之

右掌王宮廩衣事凡四職

大司空之職掌建邦之土地之圖與其人民之數以佐王富邦國養萬民

土地之圖卽郡國輿地圖也按王制司空度地居民量地遠近廣谷大川異制民生其間

異俗中國戎狄五方之民皆有性周書所謂司空掌邦土居四民左傳所謂伯禹宅居九隩合通四海等事也舊爲司徒之職今正之按太宰職六曰事典以富邦國以生萬民小宰職六曰事典以富邦國以養萬民吳幼清仍以安擾二字於義不合故今改之

以天下土地之圖周知九州之地域廣輪之數辯其山林川澤丘陵墳衍原隰之名物而辯其邦國都鄙之數制其畿疆而溝封之設其社稷之壇而樹之田主各以其野之所宜木遂以名其社與其野

廣古曠反
維癸反

九州揚荆豫青兗雍幽冀并也九州之地各有橫廣輪長之不同而廣輪之中又有山林川澤丘陵墳衍原隰之別十者之名與其所生之物又各不同悉辨而周知之乃可以行疆理之法內建都鄙外建邦國以制三等邦國與采地之輪廣各有圻期各有界限或穿地為溝或起土為封而又設各國各邑社稷之神以為各國邑之主以保安其民既起土以為垓墳又為樹以所宜之木惟隨其各土地所宜之木而遂以名其社與野蓋神依于木而民依于神矣○積石曰山林木曰林注瀆曰川水鍾曰澤土高曰丘大阜曰陵水涯曰墳下平曰衍高平曰原下濕曰隍王制曰畿外八州州二百一十國畿內三等采地九十三國所宜木若松栢栗之類如松則曰松社松野是也

以土會之灋辯五地之物生一曰山林其動物宜毛物其植物宜阜物其民毛而方二曰川澤其動物宜鱗物其植物宜膏物其民黑而津三曰丘陵其動物宜羽物其植物宜覈物其民專而長四曰墳衍其動物宜介物其植物宜莢物其民皙而瘠五曰原隰其動物宜羸物其植物宜叢物其民豐肉而庠

阜音早覈音核

以上計其貢稅而五地之生物亦知其異焉毛物貂狐貉貉之屬縠毛者也阜物柞栗之

屬鱗物魚龍之屬膏物蓮次之實有縻繇者
 津潤也羽物翟雉之屬穀物李梅之屬有核
 者也專團也介物龜鼈之屬木居而陸生者
 英物薺葵王棘之屬哲白也瘠臞也羸物虎
 豹貔貅之屬淺毛者叢物萑葦之屬豐猶厚
 也庫猶短也吳氏曰計五地之所宜者曰土
 會動物天產也植物地產也此五地各有所
 宜者固不待辨而見若夫其民毛而方則知
 山林得木之氣毛者木之餘方者曲直之義
 感乎木之氣然也其民黑而津則知川澤得
 水之氣黑者水之色津者潤下之義感乎水
 之氣然也其民專而長則知丘陵得火之氣
 專團也專者火之象長者炎上之義感乎火
 之氣然也其民哲而瘠則知墳衍得金之氣
 哲白者金之色瘠者堅瘦之義感乎土之氣
 然也其民豐肉而庫則原隰者得土之氣

土之類也書下之義感乎土之氣然也民
 之生于五地者各應五行之氣則五地所宜
 之物亦可以類而推矣
 愚按此稱父坤稱母五方之民物各稟其地
 宜以為質性聖人肯辨而知之則所以及人
 物之性者在是矣

以土宜之灋辨十有二土之名物以相民宅而
 知其利害以阜人民以蕃鳥獸以毓草木以任
 土事辨十有二壤之物而知其種以教稼穡樹
 藝

土宜即上文五地人物各有所宜產也十二
 土地分十二州天分十二野也辨名即上文

山林川澤五者辨其物即上文五地所生之物以此而足民居使之就利而避害所謂其塗易其流氣也人民自此而康寧鳥獸自此而滋息草木自此而蕃育其事豫則獲之無自此而任職新農令生穀也皆無然矣任上事者尤須辨十二州之土各有所宜壤如白墳黑墳之類所宜種宜種宜黍黍宜高粱而寒地宜下溫而熱地宜黍黍宜黍黍之類黍宜高粱而寒地宜下溫而熱地宜黍黍宜黍黍百穀登矣十二州分野以觀災祥乃保羣民之事茲不詳釋

王均之灋辨五物九等制天下之地任以作

職以公地以賦以均齊天下之賦

上會辨其物也土宜辨其所宜也土均平其賦也地有肥瘠不同地之性也立法以平其賦齊其不齊以歸于齊也五物即上文山林川澤五等之物九等以上中下差為九等如禹貢所定吳氏曰土有肥磽之異齊至不均也國有寡寡之異法所以均之也均之者何以頒田之法推之土地而中下地之所獲皆與上地等征稅也如此則九五物九等之所以制地征者亦然以作民職則三農以至閭民以此作之也以令地貢則九穀以至山澤之物以此令之也以斂財賦則邦中之賦以至幣餘之賦以此斂之也故曰均齊天下之政以土圭之灋測土深正日景以求地中日南則景短彗暑日北則景長彗寒日東則景夕彗風

三皇五帝生一十八卷 二二一 四百四十八

日西則景朝爰陰日至之景尺有五寸謂之地
中天地之所合也四時之所交也風雨之所會
也陰陽之所和也然則百物阜安乃建王國焉
制其畿方千里而封樹之

上言宅民居此以下言定畿國土圭之法者
以玉為圭長尺有五寸夏至日正中時樹八
尺之表以候日景其景尺有五寸與土圭同
乃為地中也測土深者九州之地各有高卑
則日景亦隨以異必先測土之淺深然後可
正以土圭也求地中者地之中心與天之中
心相對天之中心東西以日升沒之中定之
惟南北當以各出地上九十一度為準此非


日景無以定也故取夏至日行午漏正中之
刻所極表影尺有五寸而得之九景有長短
偏側每一寸則差千里而地之中偏大小可
推而知地在日南則景視土圭為短此南方
也故暑爰地在日北則景視土圭為長此北
方也故寒爰地在日東則日正中時景已過
矣故曰景夕此東方也木爰風地在日西則
日正中時其景尚早故曰景朝此西方也金
爰陰然則景當土圭之尺五而無復長短偏
側者乃地之中也天心地心會合于此故曰
天地之所合不寒不暑時氣無偏故曰四時
之所交不風不陰不陽時若故曰風雨之所
會二氣不降元和不愆故曰陰陽之所和然
則百物阜安以建王國者此其地矣國以千
里為畿畿以溝為界溝上起土以封之封上
封木以為阻此惟王所以建國也

禮記卷之八十一 祭義 四十五

凡建邦國以土圭土其地而制其域諸公之地
封疆方五百里其食者半諸侯之地封疆方四
百里其食者參之一諸伯之地封疆方三百里
其食者參之一諸子之地封疆方二百里其食
者四之一諸男之地封疆方百里其食者四之

賈氏曰上陳置天子之國此言建諸侯之邦
土猶度也以上圭度其地假令封上公五百
里國北畔立八尺之表夏至晝漏半得尺五
寸景與上圭等南畔得尺四寸五分其中

五分一分百里五分則五百里減四分則四
百里封侯減三分則三百里封伯減二分則
二百里封子減一分則一百里封男是十其
地之法而制其域也自上公五百里已下境
界皆有營城封圻云諸公之地食者半言封
公以五百里之地其一國之稅天子食其半
諸侯參之一參分之天子食其一分諸伯同
子男皆四之一謂總得一國之稅四分之天
子食其一分其天子所食者皆謂諸侯市取
美物以貢天子即太宰九貢是也其公之稅
有半侯伯有三之一子男有四之一皆自入
充國家蓄積禮俗喪紀之用也
按天子之畿千里而公地乃五百里又云食
者半與孟子言君十鄉祿與儉於百里之說
相背是皆不可知不敢強
為之釋始存舊說如左



凡造都鄙制其地域而封溝之以其室數制之
不易之地家百畝一易之地家二百畝再易之
地家三百畝

上言建侯國之制此言造都鄙之法建國主
于分土故以土圭度之都鄙主於治民故以
室數制之謂都鄙內除城郭宮室山川墳墓
而以居民實數計之則丘甸都家皆實地矣
地有不易一易再易不同者地有肥瘠厚薄
不等上地不須休力中地休一年下地休一
年始后世所謂代田也九地畝廣六尺半為
隴半為畝畝廣深各一尺今年播種畝中休
草并隴土以附苗根隴盡畝平則苗根深

耐風雨此一易之田也間二隴為一畝再易
之田也一夫之田百畝則上田百畝中田二
百畝下田三百畝耳

乃分地職奠地守制地貢而頒職事焉以為地
法而待政令

鄭氏曰分地職分其九職所宜也定地守謂
衡鹿虞侯之屬也制地貢謂九職所稅也頒
職事者分命使各
為其所職之事也

頒職事十有二于邦國都鄙使以登萬民一曰
稼穡二曰封藝三曰作材四曰阜蕃五曰飭材

六曰通財七曰化材八曰斂材九曰生材十曰

學藝十有一曰世事十有二曰服事

不言鄉遂及公邑舉外以包內也此即大宰所掌之九職蓋太宰總綱而大司空則頒行之義各有異也稼穡三農生九穀也樹藝園圖毓草木也作材虞衡作山澤之材阜蕃藪牧養蕃鳥獸飭材百工飭化八材通財商賈阜通貨賄化材嬪婦化治絲枲斂材臣妾聚斂疏材生材間民無常職轉稷執事鄭氏曰生材養竹木學藝學道藝世事四民各守其先業服事服勤公家之事

司空之職


其職及闕稍存一二見下文

乃經土地而井牧其田野九夫為井四井為邑

四邑為丘四丘為甸四甸為縣四縣為都以任

地事而令貢賦凡稅斂之事

此井牧之法鄭氏曰采地制井田異於鄉遂重立國也小司空為經之立其五溝五涂之界其制似井字因取名焉井牧春秋傳所謂井沃衍牧盟皐者也盟皐之地九夫為牧二牧而當一井今造都鄙授民田有不易有一易有再易通率二而當一是之謂井牧昔夏少康在虞思有田一成有衆一旅一旅之衆而田一成則井牧之法先古然矣九夫為井



者方一里九夫所治之田也此制小司空經之匠人為之溝洫相包乃成耳邑丘之屬相連比以出田稅溝洫為除水害四井為邑方二里四邑為丘方四里四丘為甸甸之言乘也甸方八里旁加一里則方十里為一成積百井九百夫其中六十四井五百七十六夫出田稅三十六井三百二十四夫治洫四甸為縣方二十里四縣為都方四十里四都方八十里旁加十里乃得方百里為一同也積萬井九萬夫其四千九十六井二萬六千八百六十四夫出田稅二千三百四井二萬七百三十六夫治洫三千六百井三萬二千四百夫治洫井田之法備于一同今止於都者乘地食者皆四之一其制三等百里之國凡四四都一都之田稅入于王五十里之國凡四縣一縣之田稅入於王二十五里之國凡四

甸一甸之田稅入於王地專謂農牧虞衡也貢謂九穀山澤之利也賦謂出車徒給徭役也司馬法曰六尺為步百為畝畝百為夫夫三為屋屋三為井井十為通通為匹馬三卜家士一人徒二人通十為成成百井三百家車一乘士十人徒二十人十成為終終千井三千家車十乘士百人徒二百人卜終為同同方百里萬井三萬家車百乘士千人徒二千人

乃分地域而辯其守施其職而平其政

此佐大司空主土地分地域謂建邦國造都鄙制鄉遂也各有營城遠近疆界辨其守謂邦國都鄙之內所有山川使衡虞之屬守之職謂九職也政當作征稅也天下所有征稅

皆均平之也此與大司空分地職奠地守制地首頒職事同此職卽上文十有二事也

凡建邦國立其社稷正其畿疆之封

建邦國立畿外諸侯邦國也立社稷諸侯有三社三稷國社侯社勝國之社皆有稷配之立其社稷者以文書法度與之也正其畿疆者九畿畿一皆有疆界封樹以為阻固也

凡民訟以地比正之地訟以圖正之

以田畔所與比正斷其訟也地訟爭疆界者圖謂邦國本圖

職方氏掌天下之圖以掌天下之地辯其邦國

鄰四夷八蠻七閩九貉五狄六狄之人民與

其財用九穀六畜之數要周知其利害

王氏曰大司空掌建邦土地圖知九州地域廣輪之數則其掌特圖而已此不惟掌其圖而又掌其地焉則詳矣邦國諸侯之國也都鄙邦國之采邑也東方曰夷其種有四南方曰蠻其種有八東南曰閩其種有七西北曰貉其種有九西方曰戎其種有五北方曰狄其種有六自邦國以至于戎狄雖有內外華夷之不同然王者有分上無分民政之所施無遠不畀故凡戶口之登耗財用之贏虛九穀六畜之生產皆各有數焉其數則列而計之其要則總而計之將以施政教也其地有利所當興害所當除者亦周知之也按戰國策士每言按圖籍爭天下王鳳亦云大史書有地形阨塞不宜在諸侯王然則

古人圖志必掌之以官秘不得見所以弭姦而防患也蕭何入秦獨收圖書如淮南王皆按輿地圖以謀變以此知古人之慮遠矣

乃辯九州之國使同貫利東南曰揚州其山鎮

曰會稽其澤藪曰具區其川三江其浸五湖其

利金錫竹箭其民二男五女其畜宜鳥獸

宜稻

劉氏曰辨九州使同貫利者四方之人惡不同財用有無不苛必周知其利害通之使有無相易善惡相濟一天下財天下人民俾同享其利也其山曰鎮者能

雲雨以生萬物鎮安于一州者也水滌不流以生蒲魚曰澤水涸不耕而生草木曰藪水流而趨海曰川水積而成淵曰浸其民資之以為生者曰利其衆待之以為養者曰畜其土宜之以為食者曰穀八者九州之民仰之以為生也九州之邦國仰之以為富也苟不周知其數要則天下之民不可得而同貫其利矣得以同貫其利則雖四夷於中國亦資其有以濟其乏是以九服安於其土而不失乎其養也鄭氏曰貫事也鎮名山安地德者也會稽在山陰具區今震澤也三江大江吳江錢塘五湖彭蠡洞庭康巢湖太湖鑑湖也禹貢金三品瑤琨篠簜錫鐵也鳥獸孔雀鸞鳩鵲犀象之屬

正南曰荊州其山鎮曰衡山其澤藪曰雲夢其

川江漢其浸潁湛其利丹銀齒革其民一男二

女其畜宜鳥獸其穀宜稻

禹貢荆及衡陽惟荆州衡山在湘南雲夢跨江南北北曰雲南曰夢在華容寺處江出岷山漢出嶓冢禹貢所謂朝宗于海詩所謂南國之紀是也潁出陽城湛未聞或曰淮也象之齒犀兕之革硃砂禹貢厥貢齒革金三品磬丹

河南曰豫州其山鎮曰華山其澤藪曰圃田其

川滎維其浸波澆其利林漆絲枲其民二男三

女其畜宜六擾其穀宜五種華胡化反滎戶音詐


華山在華陰圃田在中牟爾雅曰河南華鄭有圃田是也滎交水也出東垣入于河決為滎滎在滎陽波讀為播滎波既豬是也澆水在漢南春秋傳曰楚子梁澆營軍隨則澆宜屬荆州在此非也林竹林也禹貢厥貢漆絲綿紵六擾馬牛羊豕犬雞五種黍稷菽麥稻

正東曰青州其山鎮曰沂山其澤藪曰望諸其

川淮泗其浸沂沐其利蒲魚其民二男二女其

畜宜雞狗其穀宜稻麥

沂山沂水所出也在蓋縣望諸在睢陽禹貢作孟諸淮出桐栢泗出魯國沐出東莞屬琅邪禹貢海岱及淮惟徐州又曰淮沂其義蓋周公以徐為青州故也男女當與兗州同一



男三女淮或為
睢沐或為洙

河東曰交州其山鎮曰岱山其澤藪曰大野其
川河涕其浸廬維其利蒲魚其民二男三女其

畜宜六擾其穀宜四種禮反

岱山在博野在鉅野洙即濟廬維當為雷
雍字之誤也禹貢曰雷夏既澤雍沮會同雷
夏在城陽四
種黍稷稻麥

正西曰雍州其山鎮曰嶽山其澤藪曰弦蒲其
川涇汭其浸渭洛其利玉石其民三男二女其

畜宜牛馬其穀宜黍稷

嶽吳嶽也爾雅曰河西嶽茲蒲在汧涇出涇
陽汭在邠地公劉曰汭鞠之節洛出懷德渭
出鳥鼠禹貢惟
雍州涇屬渭汭

東北曰幽州其山鎮曰醫無閭其澤藪曰豸養
其川河涕其浸菑時其利魚鹽其民一男三女

其畜宜四擾其穀宜三種

醫無閭在遼東爾雅曰燕曰幽州東方之美
有醫無閭之珣玕琪馬豸養在長廣輿地志
云今萊陽縣有豸養津菑出萊蕪時出般陽
幽州河涕亦與兗同者蓋兗在河東北二州

相連皆有河涕也禹貢播為九河同為逆河
入于海導沈水東流為濟則幽交皆河涕所
經之地也四擾牛羊
豕雞三種黍稻麥

河內曰冀州其山鎮曰霍山其澤藪曰楊紆其
川漳其浸汾潞其利松柏其民五男三女其畜

宜牛羊其穀宜黍稷

霍山在彘楊紆聞漳出長子汾出汾陽潞
出歸德爾雅曰霍山之麥珠玉禹貢冀州單
懷底績至
于衡漳

正北曰并州其山鎮曰恒山其澤藪曰昭餘祁

其川虜池嘔夷其浸冰易其利布帛其民

三女其畜宜五擾其穀宜五種

恒山在上出陽北嶽也昭餘祁在鄆爾雅曰
河北恒燕有昭餘所虜池用鹵城恒夷所夷
穀出平舒來出廣昌易出峻安五擾牛羊豕
犬馬五種黍稷稻菽麥

薛氏曰九州之上高者宜黍稷下者宜稻麥
山氣妻男澤氣妻女東南妻絲纈西北妻織
皮先王之於民因東西南北之異方山澤川
浸之異宜男女異數玉石異產黍稷稻粱之
異種丹漆絲枲之異利廣谷異制夷生異俗
為之脩其教而不務其俗齊其政而不務其
宜然後各安其性樂其業而無偏弊之患矣
鄭氏曰此九州界揚荆豫交雍冀與禹貢同

青州則徐州地幽并則青冀地無徐梁禹貢
有青徐梁無幽并營爾雅有徐幽營無青梁
周禮有青幽并無徐梁營王氏曰禹貢九州
之名舊矣舜時肇十有二州分冀而為幽并
分青而為營至夏時復如禹貢之舊矣爾雅
九州郭璞云商制也職方九州周制也爾雅
時徐梁入于青雍而析冀於幽并則地或之
因革判合固不常也禹貢職方九州之異
有相侵入者且職九州大界而冀州為
禹貢以分冀而為幽并如舜時制則是
而為三維無徐州而青兗之間是已禹貢曰
海岱及淮惟徐州是徐州之南及淮也又曰
大野既豬徐州之大野也今職方青之州
泗兗州之澤大野是以徐而入青兗也明矣
禹貢華陽黑水惟梁州是梁州

乃辯九服之邦國方千里曰王畿其外方五百
里曰侯服又其外方五百里曰甸服又其外方
五百里曰男服又其外方五百里曰采服又其
外方五百里曰衛服又其外方五百里曰蠻服
又其外方五百里曰夷服又其外方五百里曰
鎮服又其外方五百里曰蕃服

服服事天子也大司馬九畿以疆界所至言此九服以服王事言也

凡邦國千里封公以方五百里則四公方四百

里

里則六侯方三百里則七伯方二百里則二十

五子方百里則百男以周知天下七伯當焉

以此編知四海九州邦國安少之數也方千里者為方百里者為也以此方三百里之積以九約之得十一有奇今云七伯者字之誤也周九州之界方七千里七七四十九方千里者四十九其一為畿內餘四十八州各有方千里者六周公變殷湯之制雖小國地皆方百里每事一州之中以其千里封公則可功而大其封一州之中以其千里封公則可四以其千里封侯則可夫又以其千里封伯則可十一又以其千里封子則可二十五又以其千里封男則可百有公侯伯子男亦不足過也川二百十一以方百里其數焉

為附庸四海之封黜陟之功亦如之雖有大國爵稱子而已大司空曰諸公之地方五百里諸侯之地方四百里諸侯之地方三百里諸子之地方二百里諸男之地方百里

凡邦國小大相維王設其牧制其職各以其所能制其貢各以其所有

大國比小國小國事大國各有屬相維也又在諸侯內選其最賢者為九州之牧以為方岳而統諸侯制其職牧監參伍之屬也制其貢因其地物所有也

王將巡守則戒于四方曰各修平乃守汝乃職事無敢不敬戒國有大刑及王之所行先道帥

其屬而巡戒令王殷國亦如之

巡守則諸侯各朝于方嶽之下故戒于四方
脩平乃守則諸侯所守之上也職事則所治
之職也先道者由王所從之道先行其戒
之令也殷猶衆也十二歲王若不巡守則六
服盡朝謂之殷國其戒四方諸侯與巡守同
王殷國所在無常或在畿內國城外或向畿
外諸侯之國行之故有戒
按古者五載天子一巡狩所以宣上德達下
情一道德同風俗至周而十二載一巡狩後
或不能行則有殷國之法至漢巡狩法廢時
遣謁者循行天下尤有先王遺意後置刺史
以秋分行部察都國舉不法自此天下民情
利害其壅遏通達皆係于刺史矣
今之巡按乃刺史之遺制

土方氏掌土圭之法測景以致日景以土地相宅而

建邦國都鄙以辯土宜土地之灋而授任地者

王巡守則樹王宮

土圭之法測景制域辨土宜土化以教樹藝
並解見前巡狩之王宮舍人掌之土方氏先
辨土之熾惡以定
樹舍之地也

形方氏掌制邦國之地域而正其封疆無有華

離之地使小國事大國大國比小國

鄭氏曰華讀為瓜哨之瓜正之使不瓜邪離
絕比猶親也芴之比曰親諸侯賈氏曰形方

氏主知四方土地形勢故使掌作邦國之地
域大小形勢又當正其封疆勿使相侵有
邪離絕逆相侵入則不正矣瓜者兩頭寬中
狹邪者一頭寬一頭狹云瓜哨之瓜者投壺
禮曰在矢哨壺哨
是不正之義

山師掌山林之名辯其物與其利害而頒之于

邦國使致其珍異之物

鄭氏曰山林之名與物若岱峽絲泉嶧陽瓜
桐之類利謂可用者害謂毒物及螫噬蟲獸
劉氏曰既曰珍異之物
則非貢賦所及也

川師掌川澤之名辯其物與其利害而頒之于

邦國使致其珍異之物

鄭氏曰川澤之名與物若泗濱浮磬淮夷蠙
珠暨魚澤菹蒲之類
按虞衡掌圻内山川此山師川師掌天下山
川也頒其物使貢于庭頒其利害使民趨避
也所謂異物者非必珍異玩好亦
供器用脩樂餌非常有之物耳

蓬師掌四方之地名辯其丘陵墳衍彘隄之名

物之可封邑者

鄭氏曰地名謂東原大陸之屬物之謂相其
土地可以居民立邑王氏曰大司空辨山林
山澤丘陵墳衍原隄之名而辨其邦國都鄙
之數而溝封之原師所掌如此正以輔成司

卷之六 卷之六 卷之六

空之事也王氏曰辨其名以知平陂燥濕辨其物以知其肥磽嫩惡按五地山林川澤山師川師掌之故原師惟掌此三地

土訓掌道地圖以詔地事道地慝以辨地物而原其生以詔地求王巡守則夾王車

鄭氏曰道說也說地圖九州形勢山川所宜告王以施事也賈氏曰九州地圖乃諸國所獻以入職方今土訓乃于職方取九州地圖依而說向王使依而責其貢賦之物地慝若障蠱辨其物者別其所有所無原其生生有時也以此二者告王之求也鄭司農曰地慝地所生惡物害人若虺蝮之屬夾王車左右王車指其實以告王也

誦訓掌道方志以詔觀事掌道方慝以詔辟忌

以知地俗王巡狩則夾王車

吳氏曰道方志者說四方所職久遠之事詔觀事者告王博觀古事若魯有大庭氏之庫殺有二陵是也方慝謂四方言語所惡也若不避其忌則其方以為苟於言語矣知地俗者有所避忌所以不違其俗也

按土訓掌地圖皆天下阨塞甲兵強弱錢穀盈虛之數故以詔王地事然地氣偏則有慝物有慝物則害民生故必道于王求而殄除之所以奠民生也誦訓掌方志皆古蹟并前代廢興之由故以詔王觀覽然習尚偏各有慝俗王固當脩警以自避又當敷教以移民故必道于王以正已而正人所以成大化也至

時封人歌且舞以隨之報肥膾以歆神也毛
炮爛去其毛而炮之也至于喪紀賓客軍旅
盟會皆有牛牲皆封人飾之
按自社稷之職以下乃封人之本職凡祭祀
以下文掌牲事者先王設官必有深意今不
敢強為之說吳幼清裁附春官今亦不從

量入掌建國之灋以分國為九州營國城郭營
后宮量市朝道巷門渠造都邑亦如之

建國之法先知天下遠近廣狹之數分國為
九州者假令土廣萬里中國七千七七四十
九方千里者四十九其一為畿內其餘四十
八九州各得方千里者六是為九州州各有
疆界也營國城郭者卽匠人云營國方九里
之類也營后宮者卽典命注云公之宮方九

百步天子千二百步之類也量市朝道巷者
若匠人云市朝一夫經涂九軌也巷及門渠
亦有尺數若門容二轍三个等也造都邑造
三等米地亦有城郭宮室市朝但制度大小
不同耳○建國之法以王國為主后分諸
侯之國總在九州內也營國城郭王國內城
外郭也營后宮王后之六宮也凡建國王立
朝后立市朝在前市在後道巷門渠有縱橫
廣狹皆量以為制也巷以通往
來門以出入渠以通水也

營軍之壘舍量其市朝州涂軍社之所里邦國
之地與天下之涂數皆書而藏之

凡行軍必有壘舍壘舍中必有市朝社里州
一州之衆二千五百人為師每師一處市也

三禮考言
朝也州也皆有道涂以相湊之通其往來軍社社土之在軍者里居也書地謂方櫛山川之席狹書涂謂相湊之遠近書而藏之者存其遺法也

凡祭祀饗賓制其從獻脯燔之數量掌喪祭奠之俎實凡宰祭與鬻人受竿歷而皆飲之亦

祭祀之事不應在此

燔從於獻酒之肉炙也數彘少也量長短也竈亦有俎實遺奠之祭也受竿歷而皆飲之謂受舉竿之卒爵傳之他器皆飲而盡之也

右掌辯土封國建社凡九職

均人掌均地政均地守均地職均人民牛馬車

均之力政

政音征

此掌畿內鄉遂及公邑地政者卽下文是也地守者門閤險固之守也地職者農圃數牧之屬也力征者人民則治城郭涂巷溝渠牛馬車輦則轉委積之屬也

凡均力政以歲上下豐年則公旬用三日焉中年則公旬用二日焉無年則公旬用一日焉

力政一家則人口有彘寡而不均計人而設之則已均矣又以歲之上下定其力焉荒政之弛力是也鄭氏曰豐年人食四鬴之歲也人食三鬴爲中歲人食二鬴爲無歲吳氏曰豐歲用民之力彘凶年用少寬卹之使得以營其生也

凶札則無力政無財賦不收地守地職不均地

政三年大比則大均

無年尤用力一日至凶札則全不與役亦不入貢賦不收門閔之征不收九職之賦凡地政皆弛之先王恤災救民如此

土均掌平土地之政均地守以均地事以均地

貢

政征此掌邦國都鄙地政者吳氏曰地守者自農圃以至數牧之類地事者自耕植以至畜養之類地貢者自九穀草木鳥獸以至山澤之材之類均之則高下美惡輕重適其平矣

以和邦國都鄙之政令刑禁與其施舍禮俗喪

紀祭祀皆以地媿惡為輕重之灋而行之掌其

禁令

鄭氏曰禮俗民之所行先王舊禮也吳氏曰謂之和者政令有緩急刑禁有寬猛弛舍有可否禮俗有隆污喪紀有豐約祭祀有隆殺皆以地之美惡為輕重之法而行之按凡上下之交爭人心之怨懟皆起于不均先王設均人土均二職以均天下凡夫土之所以取于民下之所以貢賦于上與凡民賦役之當施當舍以及古常禮俗喪祭之禮並所以各地媿惡制為輕重之常法使之遵行則所以和其政令者至矣地有磽美財役有委

寡是乃所以爲人均也大學治天下曰平天下又曰黎矩其亦得周官均人之意也歟

令

載師掌任土之灋以物地事授地職而待其政
任土之法見下文以物地事者卽土宜之法所謂十二壤各有所宜也如黑墳宜麥蒼赤宜菽之類授地職者卽九職任萬民也政事卽辨土授職等事古之養民也辨其土宜授以職事后世于民聽其自生自謀職事而又從而征歛之擾之古今父母斯民之心異矣
以廛里任國中之地以場圃任園地以宅田士田賈田任近郊之地以官田牛田賞田牧田任

遠郊之地以公邑之田任甸地以家邑之田任

稍地以小都之田任縣地以大都之田任置地

音姜

吳氏曰廛里邑里之居也圃者樹果菰之地中爲場焉宅田者致仕者所受之田士田者仕者所受之田卽圭田也賈田者市賈之人所受田也官田庶人在官者其家所受之田也牛田牧田畜牧者之家所受田也賞田賞賜有功之田也公邑之田謂六遂餘地天子使大夫治之者家邑之田謂大夫之采地小都之田鄉之采地大都之田公之采地王子弟所食邑也置地謂五百里王圻界也諸地皆言任者地之形實不方平如圖受田邑者遠近不得盡如制其所生育賦貢取正於是耳

凡任地國宅無征園廛二十而一近郊十一遠郊二十而三甸稍縣都皆無過十二惟其漆林之征二十而五

吳氏曰任地謂任土地以起賦稅也國宅無征謂凡官所有宮室者優國中而漆林二十而五者抑未作也其餘諸稅近輕而遠重者以近者受役故優恤之也

凡宅不毛者有里布凡田不耕者出屋粟凡民無職事者出夫家之征以時徵其賦

鄭氏曰宅不毛者謂不樹桑麻也布泉也廛人職掌斂市之次布質布罰布廛布宅不毛

者有里布民無職事出夫家之征故令宅樹桑麻民就四業則無稅賦以勸之也又曰宅不毛者罰以一里二十五家之泉空田者罰以三家之稅粟以共吉凶二服及喪器也夫稅者百畝之稅家稅者出土徒車輦給繇役孔穎達曰閭師徵斂六鄉之賦貢遂師族師斂六遂已外之職貢自有常官但徵斂事重載師因亦徵其賦相左右也按先王之民既頒之以土田教之以樹藝任之以職事豈容復有宅不毛田不耕之人哉亦預防民心之惰設為此罰以惧民耳先王於民可謂憂之深而保之切矣

閭師掌國中及四郊之人民六畜之數以任其力以待其政令以時徵其賦

載師任土國中及疆皆土也閭師任民三農
及無常職皆民也凡民以職業為生以六畜
為助六畜者營作之本以此任其力以此待
其政令以此徵其賦皆視六畜之蕃否如何
下文乃以九職任民
并徵賦之事

凡任民任農以耕事貢九穀任圃以樹事貢草
木任工以飭材事貢器物任商以市事貢貨賄
任牧以畜事貢鳥獸任嬪以女事貢布帛任衡
以山事貢其物任虞以澤事貢其物

九等之民即以所職之財充賦非九賦之外
別有貢也解見太宰但此文次第與彼不同

彼以事大小為次此畝見事無常也彼九職
并山澤為一而此分為二彼九職有臣妾有
間民此疏材無稅閒民以其出夫家之征故
于此不言之

凡無職者出夫布凡庶民不畜者祭無牲不耕
者祭無盛不樹者無椹不蠶者不帛不績者不

衰衰土
同反

上文閭師掌民六畜之數此又及樹藝樹之
材木者宮室棺槨之用也樹之桑柘者蠶也
樹之麻者績也皆天地自然之利也先王教
民務本以為為善之資職事之外又令勤于
樹畜其有不然定為六者之罰先王視一民
不得其所若已推而納諸溝中所以教導防

三禮集註 卷之六
範之意切矣曲成
不遺王道大矣哉

甸師掌帥其屬而耕耨王籍以時入之以共齎

盛祭祀共蕭茅共野果菰之薦

籒音羅七聲

其屬有胥三十人徒三百人耨耘草也王以
孟春躬耕帝籍天子三推三公五推卿諸侯
九推庶人終于千畝是籍庶人之力以終之
故曰籍也籍田所入以供齎盛致孝享也黍
稷曰齎在器曰盛又取白蒿之蕭合黍稷
瞭而燔之取其馨香上達以求神于陽又取
白茅籍地沴鬱鬯之灌以求神于陰孟耕籍
之后又有祭祀之聯事如此野之果菰皆野
之所有故甸
師亦供之

喪事代王受青裁王之同姓有罪則死刑焉何

其徒以薪蒸役外內饗之事

代王受青裁者意以案盛不潔非先王之過
欲以身代嗣王之后災也同姓有罪則死罪
者文王世子曰公族有死罪則磬于甸人意
以案盛不潔郊廟不享非公族之過當以身
代刑也此二事異代疑非周公之意欲刪去
之姑存以俟后之君子帥其徒薪蒸者其徒
三百人耕籍之暇尤有餘力
故令樵採以給內外二饗耳

掌節掌守邦節而辯其用以輔王命

邦節下文王節及角節虎節等是也辨其用
下文守國用某節山國用某節等是也輔王

命王臣使者以節乃能達于天下也

守邦國者用玉節守都鄙者用角節凡邦國之使節山國用虎節土國用人節澤國用龍節皆金也以英蕩輔之門閔用符節貨賄用璽節道路用旌節皆有期以反節

方伯連帥監守諸侯之國其職重大故用玉節都鄙畿內諸侯近至尊用角節而已天子遣使于四方山國委虎土國委人澤國委龍各以金鑄象為節以玉與竹飾之英瓊英玉也蕩大行也門閔司門司閔也貨賄者主通貨賄之客謂司市也道路者主治五塗之市

謂鄉遂大夫也凡民遠出至於邦國邦國之民若來入由門者司門為之節由閔者司閔為之節其商則司市為之節唯時事而行不出閔徒則鄉遂大夫為之節唯時事而行不出閔不用節也符節者如今宮中諸官詔符也璽節今之印章也旌節今使者所擁節是也將送者執此節以送行皆以道里日時課如今郵行有程矣以防容姦擅有所通也凡節有法式藏于掌節賈氏曰王節制如王以命數為小大以諸侯國內亦有微守起軍旅并事且同稱玉節故知與王同但依命數亦以九七五為節也金為之象則有堅而不變之義行為之函而加以英飾則有儀文相接之禮門閔則王畿之門閔貨賄則門閔出入之貨賄道路則王畿及侯國之道路符節以竹符合之者也

凡通達於天下者必有節以傳輔之無節有幾則不達

必有節者遠行無不得節而出者也輔之以傳者節為信傳以輔之無節則幾察而不得達

司市掌市之治教政刑量度禁令以次叙分地而經市以陳肆辨物而平市以政令禁物靡而均市以商賈阜貨而行布以量度成賈而徵債以質劑結信而止訟以賈民禁偽而除詐以刑罰禁競而去盜以泉府同貨而斂除商賈之質

之賈

之賈

之賈

司市以官之長故於市政無所不統吳氏曰治謂平交易之法教謂明信義之理政謂總胥賈之治刑謂制盜賊之暴量斗斛也度丈尺也按以次叙分地而經市者次舍也司市之次居中每二十四則為胥師之次其餘邸肆各有行列次叙既定則市中如布帛之有經矣以陳肆辨物而平市者陳物于肆美惡不混其價自顯而平矣以政令禁靡而均市者詐賈賤愚民售欺禁之市乃均也以商賈阜貨行布者貨須商賈而阜泉須商賈乃行通商惠賈毋困之也以度量徵債者度量同市價公然後商賈願藏于市徵召也如召之至也以質劑止訟者質劑明信義成然後人心信服而自無訟也以賈民除詐者老賈年高知物價知人情偽使之奠價則詐偽除

也執盜賊而刑之則市人安貨之未售者歛
之民之無價者賒之公私相通是為同貨則
商不因此入者皆所
以為市之政令也

大市日廼而市百族為主朝市朝時而市商買
為主夕市夕時而市販夫販婦為主 音側

日廼日晏過中之時也百族者舉王國而言
百姓皆在也故謂之大市以日晏為期商賈
藏于市者以晨為期販夫販婦朝營夕賣者
以暮為期各從其便也凡市不為之定期則
壅塞終日而不可行
故胥為定之如此

凡市入則胥執鞭度守門市之群吏平肆展成

貨賈上旌于思次以令市市師蒞焉而聽大治

大訟胥師賈師蒞于介次而聽小治小訟

凡市者三時之市也應期而入胥乃執鞭守
門以防盜度者安也刻丈尺于安而未繫
以繩可以置物又可以刑人也群吏者胥師
也自有胥師以至肆長均平其肆展視物
法莫知其價也思次者市之候樓司市監
于候樓乃令開市而交易于時市師蒞焉
有大治大訟因而聽之介次者二十肆
之亭也于時有小治小訟則胥師賈師

之期于市者辟布者量度者刑戮者各

卷之十一
市
三十四

于其地之叙凡得貨賄六畜者亦如之三日而舉之

市既旬期萬民畢赴若擁于一處則百務滯矣治河各于其叙分治之辟布者法所應用之在則赴其當輸處輸之量度者欲較斗矣則赴當較處較之刑戮者有罪當刑則赴行刑處刑之各赴于其叙則事雖繁而人不雜矣至于得遺物者亦使置其地焉貨于貨之肆馬于馬之肆則失主求之易也三

凡治市之貨賄六畜珍異亡者使有利者使阜害者使亡靡者使微

凡物利于民者使之阜通害于民者當絕之吳氏曰古者命市納賈以觀民情之好惡亡者使有利者使阜則貴其賈以來之示民以其所當好也害者使亡靡者使微使賤其賈以抑之示民以其所當惡也因民情之好惡而占風俗之美惡國之治否繫焉阜則不止于有也漸以積之而已微則未至于亡也漸以革之而已

凡通貨賄以重節出入之國凶荒札喪則市無征而作布

鄭氏曰重節印章如今斗檢封矣使人執之以通商以出貸賄者王之司市也以內貸賄者邦國之司市也鄭氏曰有災害物貴市不稅為民乏困也金銅無凶年因物貴大鑄泉

以饒民也
按此操商賈之柄與菜弘羊相似而不同

凡市偽飾之禁在民者十有二在商者十有二在賈者十有二在工者十有二

鄭司農曰所以俱十有二者工不得作賈不得鬻商不得資民不得畜王制曰用器不中度不粥于市兵車不中度不粥于市布帛精粗不中數輻廣狹不中量不粥于市木不中伐不粥于市禽獸魚鼈不中殺不粥于市姦色亂正色不粥于市五穀不時果實未熟不粥于市亦其類也於四十八則未聞數十二焉○按王制所言人皆易見非偽飾也本假物也飾之則如真本美物也挽和以假則莫辨此偽售而脫價故禁之

市刑小刑憲罰中刑徇罰大刑扑罰其附于刑者歸于士

市中所犯受小刑也故以憲徇扑三等之刑刑之吳氏曰憲罰書其所犯播告于市也罰號令之于衆也扑罰鞭扑其背體以懲之也至于有贖于大罪者司市不自決歸于士師

國君過市則刑人赦夫人過市罰一幕世子過

市罰一幣命夫過市罰一蓋命婦過市罰一帷

鄭氏曰謂諸侯及夫人世子過其國之市大夫內子過其都之市也市者人所交利而行刑之處也君子無故不遊觀焉若遊觀則施惠以為說也國君則赦其刑人夫人世子命

夫命婦則使之出罰異尊卑也所罰謂憲狗
也必罰幕帟蓋帷者市者衆也此四者在
製之用也賈氏曰憲狗刑之輕者而赦之使
出帷幕難備之物何也出物雖重而無耻憲
狗雖輕而有愧故以出物為輕也

凡會同師役市司帥賈師而從治其市政掌其

賣債之事

會同師役太衆所聚之時也商賈亦利于粥
物故司市帥賈師以往因為治其市政貿易
之事

質人掌成市之貨賄人民牛馬兵器珍異凡賣

質者質劑焉大市以質小市以劑

質平成也市人以此官為質是質易之所取
信也成亦平也平物買而衆主成其平也人
民奴婢也珍異四時食物之異者也質劑為
之券以藏之也大市人民馬牛之屬用長券
小市兵器珍異之屬用短券

掌稽市之書契同其度量一其淳制巡而攷之

犯禁者舉而罰之凡治質劑者國中一旬郊二

旬野三旬都三月邦國暮期內聽期外不聽

民之賒貸取于市物必有券書或刻木或書
竹也既為藏其券之一以為信又為同其丈

尺斛斗又爲一其淳幅之廣制匹之長使皆
中度量凡執券契來訟者以期內來則治之
後期不治所以絕民之好訟且息文書也其
期限各以地之遠近爲差

賈師各掌其次之貨賄之治辯其物而均平之
展其成而奠其賈然後令市

賈師二十四肆則一人所蒞之次與胥師數同
胥師掌其治賈師掌其價也其展成奠賈異
者以老賈
知物價也

凡天患禁貴儻者使有恒賈四時之珍異亦如
之

凡商人平時賤價買物急時索高估以
凡貯米穀以待饑年畜權擲以待喪
禁其貴賣使如平常之價及賓祭所用
亦賤買而乘急貴賣者皆禁之

凡國之賣儻各帥其屬而嗣掌其月凡師

同亦如之

以上掌次平價禁貴賣等事賈師與其屬更
代直月而掌之旣以均勞逸又使無倦心師
役會同之市政亦
更代直掌之

肆長各掌其肆之政令陳其貨賄名相近者相
遠也實相近者相爾也而平正之歛其總布掌

其戒禁

鄭氏曰爾亦近也俱是物也使惡者遠善善自相近若珠玉之屬俱名為珠俱名為玉而賈或百萬或數萬恐農夫愚民見欺故別異使相遠使賈不得雜亂以欺人吳氏曰名相近如金玉之名同而物有貴賤所以為之相遠也實相近如布帛之實異而衣被則一所以為之相遠也正者正其貨賄之名平者平其貨賄之實總布者列肆之稅凡商旅之貿易賣債或以斗斛受之或以權量度之總而名之曰總布掌戒禁者施之于肆而已按肆長專主辨貨賄而陳之使名實不混名近者別置之不使眩其實實近者置于一所使同其價同其價所謂平之也不使眩實所謂正之也

廛人掌歛市歛布總布質布罰布廛布而入于

泉府

廛市中之空地賈人所居之屋歛布者列肆之稅布也總一為儻無肆立持者之稅也質布者質人之所罰犯質劑之泉也罰布者犯市令之泉也廛布者諸貨邸舍之稅也此五布廛入歛之皆入于泉府或曰此入泉府用以歛市中不售之貨此官與泉府相聯一散一歛以權百貨以其流通如泉故名泉府

凡屠者歛其皮角筋骨入于王府凡珍異之有滯者歛而入于膳府

屠殺六畜者凡皮角筋骨堪飾器用者歛入
王府以當稅滯讀如沉滯之滯珍異四時食
物也不售而在廩久則將腐敗以征布買之
入膳府所以紓民事而官不失實即法而不
廩之意

泉府掌以市之征布歛市之不售貨之滯于民
用者以其賈買之物揭而書之以待不時而買
者買者各從其抵都鄙從其主國人郊人從其
有司然後予之

廩人所歛五等之布入于泉府固將有貴賤
也市有不售之貨商人困矣久而停滯于市

問貨滋弊矣乃出向所入而買之仍書其原
價于本物之上以待急用此物者貴與之視
所揭之數而收其原價也夫收貨者以惠商
也不增價而買者以惠民也使奸民乘急販
賣官物可受其欺乎于是使買者各從本所
屬吏取符信以來然後予之都鄙則有主大
夫也鄉遂各有吏有司也
非此符信不受其欺

凡賒者祭祀無過旬日喪紀無過三月凡民之
貸者與其有司辨而授之以國服為之息凡國
事之財用取具焉歲終則會其出入而納其餘
承上文而言泉府所入之布與所歛不售之
貨民間遇有祭祀喪紀而力有不備欲賒借

此官物者俱限以償還之期又恐民詐貧月
貸故須本主有司驗其的貧乃授之如無泉
償亦不責備令其供上力役而已民無償泉
之若官有服事之利所以息養乎民也故曰
為之
息

司門掌授管鍵以啓閉國門幾出入不物者正
其貨賄凡財物犯禁者舉之以其財養死政之

老與其孤 正音征

管鑰所以閉門也鍵牲所以啓門也國門王
城十二門也鑿察其出入不物者衣服占視
手所操持三者特異于人皆須訶問所以也
正征稅也禁節司市所備飾之禁四民皆

十有二是也財所謂門闕之委積也政死之
老者死國事者之父毋孤其子蓋月利而生
莫如犯禁者先王以義治之殉義而死莫如
死政者先王以利養之可謂刑賞俱得其當也
祭祀之牛牲繫焉監門養之凡歲時之門受其
餘凡四方之賓客造焉則以告

監門門徒牧人六牲至祭前三月則使充人
繫而養之若天地宗廟則繫于牢芻之三月
若其散祭之牲則不在牢遺此監門門徒養
之不必三月也受餘受祭門之餘歲之四時
祭門非一除四時祭外仍有為水祈禱在莊
公二十五年秋大水有用牲于門之事造至
也告于王而止
客以俟逆

司關掌國貨之節以聯門市司貨賄之出入者
掌其治禁與其征厘凡貨之不出于關者舉其
貨罰其人凡所達貨賄者則以節傳出之

鄭氏曰貨節者商人所發司市之璽節也自
外來者則案其節而書其貨之妻少通之國
門國門通之司市自內出者司市為之璽節
通之國門國門通之關門參相聯以檢得商
也征厘者貨賄之稅與其所止邸舍也關下
亦有邸客舍其出布亦如市之厘也司主也
主貨賄出入上以聯門市是也不出于關謂
從道出而辟稅者則沒其財而撻其人凡
以節傳出之者商或取貨于民間為之璽
節傳出之吳氏曰掌國貨文璽節者掌案

貨之妻寡與其節之合否以聯民市辨其合
征合厘者而關白焉故司關征之也貨不出
關者其始偽飾之物司關沒其貨又加之禁
罰焉而凡當通行之貨則以節傳出之
國凶札無關門之征猶幾凡四方之賓客敬關
則為之告有外內之送令則以節傳出內之

凶年饑荒疾疫死亡出入關門無征稅猶幾
者不得令姦人出入也敬關者謁關人也國
語云敵國賓至關戶以告行季以節逆之有
送令者奉貢文書也環人職云賓客至關則
為之節與傳
以通之

右掌市廛門關凡六職四胥

山虞掌山林之政令物為之厲而為之守禁仲

冬斬陽木仲夏斬陰木凡服耜斬季材以時入

之令萬民時斬材有期日通去聲

物為之厲每物有蕃界也為之守禁為守者設禁令也守者謂其地之民占伐林木者也

陽木生于山南者陰木生于山北者冬斬陽欲其濡夏斬陰欲其堅也服耜宜用椎材尚

乘耜也時斬材斬材之時也有期日出入有日數久則盡物也賈氏曰林自有衡今山虞

兼云林者彼林是竹木生平地者此是山內之林即山虞兼掌之山內林木金玉錫石禽

獸所有不同每物各有蕃界設禁亦不同也云時入者以其須堅耜故依仲冬仲夏之

也王制曰草木零落然后入山林此萬民斬材之時也

凡邦工入山林而掄材不禁春秋之斬木不入

禁凡竊木者有刑罰

按上文仲冬斬陽木仲夏斬陰木彼據堅朝之時但國家時所需有掄材之舉不得而禁

之然此亦是四野之木故春秋斬取不在所禁之中若是山林之木仍依仲冬仲夏方可

伐也不禁者權也必禁者常也至于竊木有刑又國家之常法不可廢也

若祭山林則為主而脩除且蹕若大田獵則菜

山田之野及弊田植虞旗于中致禽而耳焉

三禮卷之六十一 三百九十五

山虞者山林之神所依故主其禁備除者治
道路場墾亦止行人也大田則禁除草萊也
田者既止于田上樹旗令其禽而按
其耳以知獲數也山虞者以主山得
畫龍虎其功數則短也耳者取禽在耳以效
功也或曰暉謂天子祭山川虞則暉止行人也

林衡掌巡林麓之禁政令而平其守以時計林
麓而賞罰之若斬木材則受瀆於山虞而掌其
政令

鄭氏曰衡平也竹木生平地曰林山足曰麓
平其守者平其地之民守林麓之部分計林
麓者計其守之功也林麓蕃茂民不盜
有賞否則罰之受法亦如萬民入田之

衡掌巡川澤之禁令而平其守以時舍其守
犯禁者執而誅罰之祭祀賓客其川奠

水鍾曰澤澤與川不同官今燕云澤者澤與
川連則川衡兼掌之川衡者平川之淺深及
物之所出也平其守者均平守川之人也舍
其守者時案視守者于其舍而申戒之也犯
禁者或以數舍入或非時而漁也川奠者籩
豆之實魚鱸蜃蛤之屬也

澤虞掌國澤之政令爲之厲禁使其地之人守
其財物以時入之於王府頒其餘於萬民

禮記卷之六十一 華音卅七

澤虞掌政令也為厲禁也守財物也皆同山
虞財物骨角珠貝之類美者入于王府餘頒
于所取
之民

凡祭祀賓客共澤物之奠喪紀共其蕭蒲之事

若大田獵則萊澤野及槩田植虞旌以屬禽

澤物邊豆之實芹茆菱芡之屬也賓祭所須
蕭以闡壘蒲以為席喪紀所香澤虞有旌以
其主澤澤鳥所集故得注旆羽也屬禽者百
姓致禽訖虞人以屬聚之別其等數每禽取
三十
焉

迹人掌邦田之地政為之厲禁而守之凡田獵

者受令焉禁麇卵者與其毒矢射者

按禽獸之迹而知有禽獸蕃息之所故曰迹
人蓋善水草之處又不可以耕種有禽獸生
育其中可以為田狩之地也詩曰東有甫草
駕焉行狩春秋傳曰迹人來告曰逢澤有介
麇焉是迹人之職至春秋時尤然因為苑囿
樹林木以為藩籬設厲禁以守之凡獵者皆
受命乃可入又允麋之子鳥之卵皆禁不得
取又禁毒矢不許用以為射獵于用物之中
有愛物之意也月令孟春不麝不卵王制君
春田不圍澤大夫不掩群士不麝不卵蓋與
此意
同

圉人掌圉游之獸禁牧百獸祭祀喪紀賓客共

凡獸死獸之物

鄭司農曰園游之獸游牧之獸牧百獸備養衆物也今掖庭有鳥獸自熊虎孔雀至于狐狸鳧雁備焉吳氏曰生獸死獸之物獸人既共之而園人又共之蓋獸人共者田獵所獲也園人共者苑囿所養也

獻人掌以時獻為梁春獻王鮪辨魚物為魚鱸以共王膳羞凡祭祀賓客喪紀共其魚之魚鱸凡獻者掌其政令凡獻征于王府

以薄承取之詩曰敝笱在梁是也王鮪鮪之大者月令季春薦鮪于寢廟是也鮮生也葉乾也共于膳夫以共王也凡魚者掌其政令凡取魚者所有政令皆漁人掌之以其知取之時節及處所也漁征入于王府者言近川澤之民於十月獺祭魚之時其民亦得取魚其中鬚骨堪飾器物者以供征稅漁人主收之送入于王府以常邦賦也

鼈人掌取互物以時籍魚鼈龜蜃凡狸物春獻鼈蜃秋獻龜魚祭祀共麤羸蚘以授醢人掌凡

邦之籍事

互物謂有介甲之物也籍以叉刺泥中而搏之也莊子曰冬則擗鼈于江蜃大蛤也狸物

埋藏泥中非網罟可致者魚子乳以夏而蟹以夏秋故春獻鼈蟹秋獻龜魚避其字乳而弗獻也王者不以飲食害仁政如此蠱蝮也一曰蝻也羸虻也蚍蜉也謂蟻之子取其白者以為醢也傳曰虫舍蚍蜉古之制而周公以為共者宣公夏濫非時而周公以特取之也按月令季夏命漁師伐蛟取鼈登龜取鼃孟冬命水虞漁師收水泉池澤之賦毋侵削民以為天子怨季冬命漁師始漁

職金掌凡金玉錫石丹青之戒令受其入征者辨其物之媿惡與其數量揭而璽之入其金錫於為兵器之府入其玉石丹青於受藏之府入

其要掌受士之金罰貨罰入于司兵旅于上帝則共其金版饗諸侯亦如之凡國有大故而用金石則掌其令

金玉錫石丹青空青同出于山作人等主其取此官則主其受也徵之有地取之有時採之有法故曰掌其戒令受其入征者非諸侯之貢取于有地者之征也辨其美惡別物之貴賤也與其數量計其寡也辨其物計其數表揭于上復璽以封之使不混淆也入于為兵之府造兵器者則橐人之等是也橐人曰愛財于職以齎其工此頒而入之也入其玉石丹青于受藏之府內府曰凡四方之金玉入焉玉府曰掌王之金玉之藏此受而入之

也其要則入計書于司會也金罰贖刑之罰也貨罰司閔所謂凡貨不出于閔者舉其貨是也入于司兵金以給治兵貨以作工直也旅上帝張璽案設皇邸邸後板屏風以金飾之也飾以鳳凰羽謂之皇邸以金謂之金版饗諸侯亦如之承賓如祭也國有大故寇戎事也用金石者作捨雷椎樽之屬則主其所取之令也

外人掌金玉錫石之地而爲之厲禁以守之若以時取之則物其地圖而授之巡其禁令

金玉錫石所產各有其地爲之厲禁而守之取之當有其時則不墮竭占之各有形色則不泛往故又繪圖以授之舊云堂時有人嘗土鹹淡而知有金玉吳氏曰圖而授之彼

礦者知所向也巡其禁令防人之竊取也

角人掌以時徵齒角凡骨物于山澤之農以當邦賦之政令以量度受之以共財用

鄭氏曰山澤出齒角骨物大者犀象小者麋鹿骨入漆浣者受之以量其餘以度賈氏曰角人應徵角物兼言齒骨者以齒骨並角類也以當邦賦者農皆有夫田出稅今此農近山澤有骨角及齒此三者國之所須故使以時入采而稅之以當地稅也

羽人掌以時徵羽翮之政于山澤之農以當邦賦之政令凡受羽十羽爲審百羽爲搏十搏爲

心鳥之六翻其強者為羽可用于旌旄車飾
其翼故正之仍以抵邦富也十羽名之曰審
十羽名之曰博十博名之曰縛羽不可以度
量受紀其數而已

秋歛皮冬歛革春獻之遂以式灋頒皮

工共其毳毛為氈以待邦事歲終則會

之皮去毛者謂之革一曰未練治者
練治者曰革秋則物成之時為獸毛
故歛皮又須練治乃可用
春獻之

屬毳毛細縹者以為鹽當用則共之邦事
若大旅張匱案之類財齎並據皮革言也會
計其皮革入掌之本數及出給不盡者予人
以物曰齎謂出給與人者也此蓋掌斂野外
百獸之皮就以入百工以作器服之用與羽
人等耳冬官既有角人羽人葛人安得獨無
皮革之人乎以是
例而列之于此

掌為掌以時徵絺綌之材于山農凡葛征徵草

材于澤農以當邦賦之政令以權度受之

絺綌之材出于山故徵于山農黃苧蕉葛并
可緝為布者皆生于澤故徵于澤農亦入

之及八賦也以權受者計斤兩輕重也以用
構及度其實不可以長短計

掌染草以春秋歛染草之物以權量受之以

待時而頒之

染草者菟藿藍蓍槐之屬五色之染各有
其草此官掌受與頒之其氏曰天官染人主
凡染草之物共于染人之用

掌炭掌灰物炭物之徵令以時入之以權量受
之以共邦之用凡炭灰之事

灰石灰歷灰也與炭皆山澤所出炭給於
凡物物歷之用炭之所共尤委其所入

以共邦國之用
以共邦國之用

掌茶掌以時聚茶以共喪事徵野䟽材之物以
待邦事凡畜聚之物

既夕禮曰茵著用茶蓋縫淺黑色之布著以
茶核入壙之時先陳于棺下縮二于下橫三
于上乃下指于茵上茅以供祭祀芻芟以飼
牛馬萍以參豕皆䟽材之類並使掌焉徵者
徵于山澤
入于委人

掌蜃掌歛互物蜃物以共闡壙之蜃祭祀共蜃
器之蜃共白盛之蜃

鄭氏曰互物蚌蛤之屬闔猶塞也將井椀先
塞下以蜃禦濕也春秋傳曰始用蜃炭言僭
天子也蜃器之蜃飾祭器之屬也掌人職曰
凡四方山川用蜃器春秋定公十四年秋天
王使石尚來歸蜃器以蜃飾因名焉鄭司農
曰蜃可以白器令色白盛猶成也飾牆使白
之蜃也今東萊用蛤謂之義灰云賈氏曰歛
互物以互物蜃之類因兼掌之或曰白盛主
于宗廟里墻也蜃蛤在泥
義取以為灰故云義灰

場人掌國之場圃而樹之果蓏珍異之物以時
歛而藏之凡祭祀賓客共其果蓏享亦如之

春夏為圃秋冬為場其場因圃而為之故並
言之也鄭氏曰果棗李之屬蓏瓜瓠之屬

異蒲捩此杷之屬享納牲謂祭祀宗廟二蒸
後君迎牲納之于庭時后夫人薦朝享之豆
籩豆籩中有
果蓏之屬

右掌山澤藪牧凡十六職

草人掌土化之法者即下所云糞種是也化上使

和羹者先物種知其所宜之糞乃用此糞助
凡種之生氣則可以變化地
氣使過者歸于中和也

凡糞種駢剛用牛赤緹用羊墳壤用麋渴澤用
鹿鹵馮用豸勃壤用狐埴壚用豕犂樂用蕢輕

嬰用犬

種上聲緹音低墳符粉反馮音昔
狗呼丸反嬰婦堯反

糞種之法以物骨焚為灰因漬種以灰汁也
凡土有色駢而性剛者有色赤而知緩者有
其性墳起者有先為澤而今枯渴者有澗鹵
而味鹹者有土性粉解者有土黏而黑者有
堅強而不和柔者有輕脆而不厚重者其於
牛羊麋鹿豺狐豕犬之物各有所宜因其性
不易其宜以漬之所以變易其種性而助發
其生意者此土性亦因之而化也剛可使柔
急可使緩堅可使軟鹹可使淡黏可使疏脆
可使厚渴可使潤此非心通神明之德無以
與於此

稻人掌稼下地以瀦畜水以防止水以溝瀦水

以遂均水以列舍水以澮駕水

畜物六反

此種水田之法瀦者畜流水之陂也防猪旁
隈也遂田首受水小溝也列田之畦町也澮
田尾去水大溝也以猪畜水積之以陂池以
禦旱以防止水增其隈堰以防潦以溝瀦水
使水通行而灌注于遂以遂均水使水通行
而滿于列以列舍水騰其町畦而不決以養
苗也以澮駕水會通
諸溝致之川也

以涉揚其芟作田凡稼澤夏以水殄草而芟夷
之澤草所生種之芒種早曠共其雩歛喪紀共
其蓄事

此耘田之法也耘者須涉揚其芟作田凡以澤地種稼是以澤為田也澤地草易芟須有芟之之法夏月大雨時行水盈蒸熱者如涉揚其錢縛芟草夷根覆掩于土中浸以熟水草爛泥疏苗自發生此田古者謂之田之法如此稻田畏旱故共雩祭之物喪中蓄籍亦出于澤故兼共之

遺人掌邦之委積以待施惠鄉里之委積以恤民之羸阨門閔之委積以養老孤刻里之委積以待賓客野鄙之委積以待羈旅縣鄙之委積以待凶荒遺唯季反施式鼓反

是國一歲之用其餘共之則謂之積職內邦之積川亦如此少曰委委曰積賈氏曰自鄉里委積以下數者皆謂當年所稅委少摠送帳下上在上商量計一年是國用外則隨便留之以為恤羸阨等用也門十二國門閔十是也賓客至郊與主國使者交接因即與之廩餼便羈旅處處皆有獨於此見惠者甸地在二百里中於外內有羈旅皆得取之也畿外凶荒則入向畿內取之畿內荒則向畿外取之吳氏曰分人以財謂之惠邦即邦中之地自邦中以至縣都則王幾之委積皆屬焉老孤者死事之老與孤乃殉義之家凡遇凶荒之歲畿之內外咸有備焉恤則時有以恤

三禮考言 卷六 六十一
之養則常有以養之待則豫備於先而取給于後此可見王者立法不窮之意

凡賓客會同師役掌其道路之委積凡國野之道十里有廬廬有飲食三十里有宿宿有路室路室有委五十里有市市有候館候館有積凡委積之事巡而比之以時頒之

賈氏曰 經委積隨其所須之處而備之經委積乃會同師役行道所須故分布於路也遠處須多故有積近處須少故有積委也吳氏曰十里憇息之所故設於十里為一舍可以宿焉路室大室也

故有市市有候賓之館有候則有積然野之道亦如此也

旅師掌聚野之勑粟屋粟間粟而用之以質劑致民平頒其興積施其惠散其利而均其政令凡用粟春頒而秋斂之

此官專主斂散以安新甿也吳氏曰旅如羈旅商旅皆宿于外而未安其居者新甿亦然故以旅名之聚野之粟待新甿之補助而已勑粟即遂人興勑之粟間粟甸地間田所用之粟三粟皆所以為補助之用未用則謂之聚乃所以聚民也立見之謂質立約之謂劑

以此致民防偽而已積者三粟也平頒者行
 王命則曰施惠行有司之常法則曰散利無
 不均之惠故曰均其政令此先王所以待凶
 荒之民也春頒者平頒其興積者也秋斂者
 聚野之勸粟屋粟間粟而用之也
 按秋斂者仍斂其所散於新甿者散而不斂
 後何以繼又遇凶荒無以賑之故曰春頒而
 秋斂之○又按孟子曰狗彘食人食而不知
 檢塗有餓莩而不知發檢斂通春散秋斂穀
 粟流通天不能使之災者此也若粒米狼戾
 狗彘食人食之時不知斂入春饑塗有餓夫
 之時又不知發散利柄失手民命無依其何
 以為政乎後世無仁心仁政視民飢溺不切
 于心宜于此政寥寥也

凡新甿之治皆聽之使無征役以地之媿惡為

之等

鄭氏曰新甿新徙來者治謂有所求乞無征
 役復之也王制曰自諸侯來徙家期不從政
 以地媿惡為之等七人以土授收上地六日
 授以中地五日授以下地與舊甿同旅師掌
 斂地稅而又施惠散利
 是以屬用新代焉

委人掌斂野之賦斂薪芻凡斲材木材凡畜聚
 之物

斂野之賦遠刻以外園圃山澤之賦也凡斲
 材者草木有實者也凡畜聚之物者瓜蔬葵
 芋禦冬之具也野之農賦旅師斂之工商績
 婦遂師以入王府其牧則遂師又以共野牲

吳氏曰大曰積小曰委委人軍斂野賦不過薪芻䟽材木之物非畜積之大者故曰委

以稍聚待賓客以甸聚待羈旅凡其餘聚以待

頒賜

二百里曰稍其聚以待賓客三百里曰甸其聚以待羈旅餘四百里縣都之聚以

待頒賜

以式灋共祭祀之薪蒸木材賓客共其芻薪喪

紀共其薪蒸木材軍旅共其委積薪芻凡䟽材

共野委兵器與其野囿財用凡軍旅之賓客館

焉

以法式者凡賓祭喪軍故事用薪材委少皆有成式也大行人掌客委積其中有米禾牲牢薪芻也䟽材者百草根實可助禾粟以飼馬牛也野委者宿廬中之薪芻也兵器者守備賓客陳兵之器也野囿財用者苑囿所出䟽材也軍旅之賓客者諸侯助王征伐是軍旅之客也

廩人掌九穀之數以待國之匪頒調賜稍食

分(食)音嗣

廩人掌米而倉人所收之穀亦知之故曰掌九穀之數匪頒者司祿所掌仕者之祿也調賜者遣人所掌委積以待施惠也稍食彙人

所供内外朝之冗食也

以歲之上下數邦用以知足否以詔穀用以治年之豐凶凡萬民之食食者人四鬴上也人三鬴中也人二鬴下也若食不能人二鬴則令邦稷民就穀詔王殺邦用

廩人每歲計令所入若干又計令國用若干因知有餘不足矣乃詔于王餘則斂其贏不足則節所用是所以治年之豐凶也此會計以足國用之法六斗四升曰鬴又每歲計每入今所收穀幾何每人每月計所食幾何若每人每月得四鬴是為豐年三鬴為中二鬴

為下不及二鬴為大凶之年私則稷民以就食公則殺禮苑縣焉此會計以足民食也

凡邦有會同師役之事則治其糧與其食大祭

祀則共其接盛

鄭氏曰行道曰糧謂糒也止居曰食謂米也接讀為一扱再祭之扱扱以扱舂人舂之大祭祀之穀乃籍田之收藏於神倉者不以給小用此兼掌御廩所藏籍田之收以共祭祀之用者也

舍人掌平宮中之政分其財守以灋掌其出入

宮中之政宮中用穀之政也王宮稍食掌於宮正后宮稍食掌於內宰而舍人平之也分

其財守者計當用之數分派與宮正內宰使
守而頒之也掌其出入者此所頒卽出數先
取於廩人則有入數皆據國
之成法而行故又曰以法也

凡祭祀共簠簋實之陳之賓客亦如之共其禮

車米管米芻禾喪紀共飯米熬穀以歲時縣種

稊之種以共王后之春獻種飯扶晚反熬五羔

祭祀則共簠簋者簠以盛稻梁簋以盛黍稷
並后宮司之舍人實而陳之也宴賓客亦陳
之也賓又有饗饋之禮設筥米于中庭陳車
米于門外也喪紀有飯熬之禮以米實死者
之口不忍虛也以梁實筐錯于棺旁所以感
蠶蟉也籍田有獻種之禮王后獻種稊舍人

共之頒縣以逆
風氣防腐敗也

掌米粟之出入辨其物歲終則會計其政

司九穀六米之出納皆為書之日成月要歲
終則會計之以知其贏虛之數

倉人掌粟入之藏辨九穀之物以待邦用若穀

不足則止餘灋用有餘則藏之以待凶而頒之

廩人主藏倉人主散九穀解見大宰待邦國
用者先為藏入隨邦國合用時出之也不足
之年雖當用亦為停止如省禮殺衰之類若
有餘之年則於當用之餘皆為藏之以待凶
荒而出
頒之

凡國之大事共道路之穀積食飲之具

大事喪與戎也共道路之饋食此與遺人為聯事

右掌稼穡倉廩之事凡九職

典婦功掌婦式之灋以授嬪婦及內人女功之事齊凡授嬪婦功及秋獻功辨其苦良比其小大而賈之物書而揭之以共王及后之用頒於

內府

絲以為帛臬以為布其廉良皆有常法其妻寡皆有常數故曰婦式之法嬪婦者內而九

嬪世婦外而公卿世婦也內人者內事齊絲女工民間女治絲臬於宮中者事齊絲之材也既授之以法式又受其獻功辨其苦良比其小大而賈之物書而揭之以共王及后之用頒之於內府而藏之

典絲掌絲入而辨其物以其賈揭之掌其藏與其出以待興功之時頒絲於外內工皆以物授之凡上之賜予亦如之及獻功則受良功而藏之辨其物而書其數以待有司之政令上之賜

絲入若充州厥貢漆絲青州厥貢篚檠絲
 九職嬪婦所貢及王后親蚕所得皆是也
 其物絲有麗良善惡之不同典絲於其絲
 入時皆湏辨之也又以其所直之賈揭示
 者防以賤質貴也掌其藏與出者絲之
 妻藏之出之同官可也興功之時若温煖
 緜帛清凉宜文繡之類領絲于外内工外
 婦内女御也以物授之若緜帛則授以素
 文繡則授以綵絲也王以絲物賜人亦然
 良功而藏之者受其廉監之功以給有司
 公用其良功者典婦功受之以共王及后
 用也一曰典絲受良功而不受者功與命
 善功而不受良功且典絲所共則祭祀黼
 組就喪紀組文之物是乃王之致美乎黼

致孝乎鬼神者其受良功不亦宜乎
 有司之政令若司服弁師寺之政令

凡祭祀共黼畫組就之物喪紀共其絲纁組文
 之物凡飾邦器者受文織絲組焉歲終則各以
 其物會之

凡祭祀則天地宗廟社稷山川皆是也共黼
 畫組就之物以給衣服冕旒及盥巾之類白
 與黑謂之黼采色一成曰就黼畫以服言組
 就以冕言天子纁游十有二就喪紀共絲者
 凡裁縫皆用線縷共纁者喪大記曰屬纁以
 俟絕氣共組者士喪禮握手玄纁者組繫青
 與赤謂之文亦用絲為文繡故連言之飾邦
 器茵席屏風之屬各以其物會之種別為計

也
按古之內作不過絲枲縫染以備衣裳冠服
而其黼畫組就苴亦以其祭祀邦器用耳故
官省而財不盡至後世乃有大不然者故貢
禹曰故時齊三服官輸物不過十筭方今齊
三服官作工各數千人一歲費數鉅萬三工
官費五十萬東
西織室亦然

典枲掌布總縷紵之麻草之物以待時頒功而
授齋及獻功受苦功以其賈揭而藏之以待時
頒頒衣服授之賜予亦如之歲終則各以其物
會之

枲麻也總十五升而抽其半者白而細疏
曰紵草葛墳之屬待時頒功者待興功之時
頒之于工也授齋者授其所以為功之資也
與典婦功同獻功者秋獻功是也受苦功者
其良功亦入于典婦功以其王及后之用也
以待時頒即下文頒衣服及賜予是也授之
授受班者帛言待有司政令布言班衣服互
文也以典絲與枲俱不為王及后用皆將頒
賜故也歲終以苦功之已川者與其所藏者
而會之先王之于婦職內則上后帥之以蠶
九嬪教之以功九御業之以獻而內宰則佐
而督之頒而賞罰之外則有典絲與枲之頒
功有典婦功之受成辨其苦良比其小大夫
尊而后嬪皆相帥以絲枲之事而不敢逸卑
而衆職皆務于勤力而不敢怠若此手其嚴
者豈非天下之務唯本之為貴耶男子務其

本于農耕女子務其本于絲枲甸師倡農于其上婦官倡織于其內天下其有不農不桑者乎如是而男無餘粟女無餘布而財用不足者未之有也孟子曰無政事則財用不足以是而觀則有周之政事可知矣

染人掌絲帛凡染春暴練夏纁玄秋染夏冬獻

功掌凡染事

掌染絲帛者絲帛之質必待染而后成文也染之為事順陰陽發歛之理明寒暑燥濕之節必因四時之序而後可以調適萬物之情春暴練者春陽燥達宜暴曬其練若慌氏所謂浼水漚其絲攔灰渥渥其帛晝曝諸日夜宿諸井是也夏纁玄者謂夏暑氣熱潤宜而

釋故染纁玄以為祭服若鍾氏所謂湛而纁之渾而漬之三人為纁五入為緇七入為緇而玄在緇緇之間者是也秋染夏者若夏翟之夏禹貢曰羽畎夏翟是其總名其類有六曰翬曰捭曰苗曰希曰蹲曰局其毛羽五色皆備成章染者擬以為淺深之度夏翟至秋五色備秋氣涼可以染五色至冬功成並獻于王也考工雖無其職而有畫績五絲之繡不然則筐人之職也掌凡染事則不特染絲帛而已

右掌絲枲染之事凡四職



禮纂註卷之六終

禮纂註卷之六終

文獻庫

